

摘藻堂四庫全書薈要

集部

欽定四庫全書薈要卷一萬七千五百五十九

集部

御定全唐詩卷一百五十四

蕭穎士

蕭穎士字茂挺開元中對策第一補祕書正字奉使括遺書趙衛間淹久不報為有司劾免畱客濮陽教授時號蕭夫子召為集賢校理宰相李林甫怒其不下已調廣陵參軍事史官韋述薦穎士自代召詣史館待制林甫愈見疾遂免官尋調河南府參軍事山南節度使源

洧辟掌書記洧卒崔圓署為揚州功曹參軍至官信宿  
去後客死汝南逆旅門人私謚曰文元先生穎士樂聞  
人善以推引後進為己任所獎目皆為名士集十卷今  
編詩一卷

江有楓一篇十章

并序

江有楓思陸鄭二友吳會舊遊且疾讒也臣

一作君

宦於尹府以直方不偶見逼讒佞惟古之賢者有  
避色避言之義矯然去之二室之間有槭樹焉與

江南楓形胥類憩於其下而作是詩以貽夫二三子焉

江有楓其葉蒙蒙我友自東于以遊從

山有槭其葉漠漠我友徂北于以休息

想彼槭矣亦類其楓矧伊懷人而忘其東

東可遊矣會之丘矣于山于水于廟于寺于亭于里君子遊焉于以宴喜其樂亶亶

粵東可居彼吳之墟有田有庭有朋有書有尊有魚君

子居焉惟以宴醑其樂徐徐

我朋在矣彼陸之子

淹也

如松如杞淑問不已

我友于征彼鄭之子

愕也

如琇如英德音孔明

我思震澤菱芡幕幕寤寐如覲我思剡谿杉篠萋萋寤寐無迷

有鳥有鳥粵鷗與鷺浮湍戲渚皓然潔素忘其猜妒彼何人斯曾足傷懼

此懼惟何懼寘于羅彼驕者子讒言孔多我聞先師體

命委和公伯之愬則如予何悵然山河惟以嘯歌其憂也哉

菊榮一篇五章 并序

菊榮酬贈離且申志也久寓大邑賢宰宋侯惠而好予賦鳴蟬以貺別有懷相規備厥卒章予以報焉

采采者菊芬其榮斯紫英黃萼照灼丹墀愷悌君子佩服攸宜王國是維大君是毗貽爾子孫百祿萃之

采采者菊于邑之城舊根新莖布葉垂英彼美淑人應  
家之禎有弦既鳴我政則平宜爾棟崇必復其慶

采采者菊于邦之府陰槐翳柳邇楹近宇彼勞者子喧  
卑是處慨其莫知蘊結誰語企彼高人色斯遐舉

采采者菊于賓之館既低其枝又弱其幹有斐君子是  
焉披翫良辰旨酒宴飲無算愴其仳別終然永歎

歲方宴矣霜露殘促誰其榮斯有英者菊豈微春華懿  
此貞色人之悔我混于薪棘詩人有言好是正直

涼雨一章 并序

涼雨志楊侯樂賓僚也

習習涼風泠泠浮颺君子樂胥于其賓僚有女斯天式  
歌且謠欲言終宥惟以招邀于胥樂兮

有竹一篇七章 并序

有竹懿李新後閣而宴親友也

有竹斯竿于閣之前君子秉心惟其貞堅兮  
有竿斯竹于閣之側君子秉操惟其正直兮



彼蔚者竹蕭其森矣有開者閣宛其深矣迴簷幽砌如翼如齒

冬之宵霰雪斯瀟我有金鑪煴其以歆

夏之日炎景斯鬱我有珍簟淒其以栗

彼紛者務體其豫矣有旨者酒歡其且矣友僚萃止跼  
萼載鞞

彼美公之姓兮那歟應積慶兮期子惟去之柄兮

江有歸舟三章

并序

記有之尊道成德嚴師其難哉故在三之禮極乎  
君親而師也參焉無犯與隱義斯貫矣孔聖稱顏  
子有視余猶父歎其至歟今吾於太真也然乎爾  
且後進而余師者自賈邕盧冀之後比歲舉進士  
登科名與實皆相望騰遷凡數子其他自京畿太  
學踰於淮泗行束脩以上而未及門者亦云倍之  
余弗敏曷云當乎而莫之讓蓋有來學微往教蒙  
匪余求若之何其拒哉猗爾之所以求我之所以

誨學乎文乎學也者非云徵辨說據文字以扇夫  
談端輟厥詞意其於識也必鄙而近矣所務乎憲  
章典法膏腴德義而已文也者非云尚形似牽比  
類以局夫儷偶放於竒靡其於言也必淺而乖矣  
所務乎激揚雅訓彰宣事實而已衆之言文學者  
或不然於戲彼以我為僻爾以我為正同聲相求  
爾後我先安得而不問哉問而教教而從從而達  
欲辭師也得乎孔門四科吾是以竊其一矣然夫

德行政事非學不言言而無文行之不遠豈相異哉四者一夫正而已矣故曰詩三百一言以蔽之曰思無邪不正之謂也吾嘗謂門弟子有尹徵之學劉太真之文首其選焉今茲春連茹甲乙淑問休闡為時之冠浹旬有詔俾徵典校祕書且馳傳攏首領元戎書記之事四牡駢駢薄言旋歸聲動日下浹於寰外而太真元昆前已甲科未始間歲翩其連舉謂予不信豈其然乎夏五月迴棹京洛

告歸江表岵兮屺兮歡既萃矣兄矣弟矣榮斯繼  
矣搢紳之徒習禮聞詩者僉曰劉氏二子可謂立  
乎身光乎親蹈極致於人倫者矣上京餞別庭闈  
望歸從古已來未之聞也余羈宦此都色斯云舉  
彼吳之丘曾是昔遊心乎往矣有懷伊阻行矣風  
帆載飛載揚爾思不及黯然而泣先師孝弟謹信  
泛愛親仁餘力學文之訓爾其志之南條北固朱  
方舊里昔與太真初會於茲余之門人有柳并者

前是一歲亦嘗觀茲地其請業也必始乎此焉并  
也有尹之敏劉之工其少且疾故莫之逮太真亦  
嘗曰何敢望并并與真難乎其相奪矣緬彼江陰  
京阜是臨言念二子從予于此爾云過之其可忘  
諸同是餞者賦江有歸舟以寵夫嘉慶焉爾詩曰  
江有歸舟亦亂其流之子言旋嘉名孔修揚于王庭允  
焯其休

舟既歸止人亦榮止兄矣弟矣孝斯踐矣稱觴燕喜于

謁于祀

彼遊惟帆匪風不揚有彬伊父匪學不彰予其懷而勉  
爾無忘

過河濱和文學張志尹

隆古日以遠舉世喪其淳慷慨懷黃虞化理何由臻步  
出城西門裴回見河濱當其側陋時河水清且潏滄桑  
一以變莽然翳荆榛至化無苦窳宇宙將陶甄太息感  
悲泉人往跡未湮瑟瑟寒原暮冷風吹衣巾顧我謏劣

質希聖杳無因且盡登臨意斗酒歡相親

舟中遇陸棣兄西歸數日得廣陵二三子書知  
遲晚次沙塾西岼作

林鳥遙岼鳴早知東方曙波上風雨歇舟人叫將去蒼  
蒼前洲日的的回沙鷺水氣清曉陰灘聲隱川霧舊山  
勞魂想憶人阻洄泝信宿千里餘佳期曷由遇前程入  
楚鄉弭棹問維楊但見土音異始知程路長寥寥晚空  
靜漫漫風淮涼雲景信可美風潮殊未央故人江皋上



永日念容光中路枉尺書謂余瓊樹芳深期結晤語竟  
夕恨相望冀願崇朝霽吾其一葦航

重陽日陪元魯山德秀登北城矚對新霽因以

贈別

時元兄屢有  
桂冠之意

山縣遶古堞悠悠快登望雨餘秋天高目盡無隱狀綿  
連潢川迴杳渺鴉路深彭澤興不淺臨風一作流動歸心

賴茲琴堂暇傲睨傾菊酒人和歲已登從政復何有遠  
山十里碧一道銜長雲青霞半落日混合疑晴曛漸聞

驚栖

一作  
栖林

羽坐歎清夜月中歡愴有違行子念明發僅

能泯寵辱未免傷別離江湖不可忘風雨勞相思明時  
當盛才短伎安所設何日謝百里從君漢之滌

留別二三子得韻字

二紀尚雌伏徒然忝先進英英爾衆賢名實鬱雙振殘  
春惜將別清洛行不近相與愛後時無令孤逸韻

仰荅韋司業垂訪五首

呦呦食苹鹿常飲清泠川但悅豐草美寧知牢饌鮮主

人有幽意將以充林泉羅網幸免傷蒙君復羈牽高堂  
列衆賓廣座鳴清絃俯仰轉驚一作傷惕  
傷 惕 衰 回 獨 憂 煎 緬  
懷雲巖路欲往無由緣物各有所好違之傷自然

神龜在南國緬邈湘川陰遊止蓮葉上歲時嘉樹林毒  
蟲且不近斤斧何由尋錯落負竒文熒煌耀丹金山  
萬里餘淮海阻且深獨保貞素質不為寒暑侵一逢盛  
明代應見通靈心

晉代有儒臣當年富詞藻立言寄青史將以贊王道遼

落緬歲時辛勤歷江島且言風波倦探涉豈為寶不遇  
庾征西云誰展懷抱士貧乏知己安得成所好

彭陽昔遊說願謁南郢都王果尚未達況從夷節謨豈  
知晉叔向無罪嬰囚拘臨難俟解紛獨知祈大夫舉讐

且不棄何必論親疎夫子覺者也其能一作肯遺我乎

關西一公子年貌獨青春被褐來上京翳然聲未振中  
郎何為者倒屣驚座賓詞賦豈不佳盛名亦相因為君  
奏此曲此曲多苦辛千載不可誣孰言今無人

答鄒象先

桂枝常共擢茅茨冀同薦一命何阻脩載馳各川縣壯  
圖悲歲月明代恥貧賤回首無津梁祇令二毛變

蒙山作

東蒙鎮海沂合沓餘百里清秋淨氛靄崖崿隱天起于  
役勞往還息徒暫攀躋將窮絕迹處偶得冥心理雲氣  
雜虹霓松聲亂風水微明綠林際杳窳丹洞裏仙鳥時  
可聞羽人邈難視此焉多深邃賢達昔所止子尚捐俗

紛季隨躡遐軌蘊真道彌曠懷古情未已白鹿凡幾遊  
黃精復奚似顧予尚牽纏家業重書史少學務從師壯  
年貴趨仕方馳桂林譽未暇桃源美歲暮期再尋幽哉  
羨門子

早春過七嶺寄題硤石裴丞廳壁

出硤寄趣少晚行偏憶君依然向來處官路谿邊雲茲  
路豈不劇能無俗累紛槐陰永未合泉聲細猶聞彌歎  
春罷酒牽卑

一本二字缺

從此分登高望城入斜影半風薰

送張翬下第歸江東

翬一作翬

俱飛仍失路綵服邇清波地積東南美朝遺甲乙科客  
愁千里別春色五湖多明日舊山去其如相望何

越江秋曙

扁舟東路遠曉月下江濱潑灑信潮上蒼茫孤嶼分林  
聲寒動葉水氣曙連雲瞰日浪中出榜歌天際聞伯鸞  
常去國安道惜離羣延首剡谿近詠言懷數君

山莊月夜作

獻書嗟棄置疲拙歸田園且事計然策將符公治言桑  
榆清一作暮景雞犬應遙村蠶罷里閭晏麥秋田野喧  
澗聲連枕簟峯勢入堦軒未奏東山妓先傾北海尊隴  
瓜香早熟庭果落初繁更愜野人意農談朝竟昏



御定全唐詩卷一百五十四

欽定四庫全書薈要卷一萬七千五百六十

集部

御定全唐詩卷一百五十五

崔曙

崔曙宋州人開元二十六年登進士第以試明堂火珠詩得名詩一卷

古意

綠筍總成竹紅花亦成子能當此時好獨自幽閨裏夜

夜苦更長愁來不

一作劇

如死

宿大通和尚塔敬

一本無敬字

贈如上人兼呈常孫

二山人

支公已寂滅影塔山上古更有真僧來道場救諸苦一

承微妙法寓宿清淨土身心能自觀色相了無取森森

松映月漠漠雲近戶嶺

一作雲

外飛電明夜來前山雨然

燈見栖鶴作禮聞信鼓曉霽南軒開秋華淨天宇願言

出世塵

一作長出世

謝爾申及甫

送薛據之宋州

無媒嗟

一作悲

失路有道亦乘流  
客處不堪別異鄉  
應共

愁我生早孤賤淪落居此州  
風土至今憶山河皆昔

一作

舊遊一從文章事

一作士

兩京春夏秋君去問相識幾人

今

一作成

白頭

### 山下晚晴

寥寥遠天淨谿路何空濛  
斜光照疎雨秋氣生白虹  
雲盡山色暝蕭條西北風  
故林歸宿處一葉下梧桐

### 潁陽東溪懷古

靈溪氛霧歇皎鏡清心顏空色不一作下映水秋聲多在

山世人久疎曠萬物皆自閒白鷺寒更浴孤雲晴未還

昔時讓王者此地閉玄

一作紫一作柴

關無以躡高步淒涼岑

一作林壑間

早發交崖山還太室作

東林氣微白寒鳥急

一作忽

高翔吾亦自茲去北山歸草

堂仲

一作抄

冬正三五日月遙相望蕭蕭

一作蕭蕭

過潁上曠

曠辨少陽川冰生積雪野火出枯桑獨往路難盡窮陰

人易傷傷此無衣客如何蒙雪

一作雨霜

奉試明堂火珠

正位開重屋凌空

一作中天

出火珠夜來雙月滿

一作合

曙後

一星孤天淨光難滅雲生望欲無遙知太平代

一作還知聖明

代

國寶在名都

途中曉

一作晚發

曉

一作晚

霽長風裏勞歌赴遠期雲輕歸海疾月滿下山

一作峯

遲旅望因高盡鄉心遇物悲故林遙不見況在

一作

復  
落花時

緱山廟

遺廟宿陰陰孤峰映綠林步隨仙路遠意入道門深澗  
水流年月山雲變古今祇聞風竹裏猶有鳳笙音

同諸公謁啓母祠

闕宮凌紫微芳草閉閑扉帝子復何在王孫遊不歸春  
風鳴玉珮暮雨拂靈衣豈但湘江口能令懷二妃

九日登望仙臺呈劉明府容

漢文皇帝有高臺此日登臨曙色開三晉雲山皆北向

二陵風雨自東

一作西

來關門令尹誰能識河上仙翁去

不回且欲近尋彭澤宰陶然共

一作一

醉菊花杯

奉酬中書相公至日圓丘攝事合於中書後閣  
宿齋移止于集賢院敘懷見寄之作

典籍開書府恩榮避鼎司郊丘資有事齋戒守無為宿  
霧蒙瓊樹餘香覆玉墀進經逢乙夜展禮值明時勲共  
山河列名同竹帛垂年年佐堯舜相與致雍熙



登水門樓見亡友張貞期題望黃河詩因以感

興

一作寄友

吾友東南美昔聞登此樓人隨

一作從

川上逝

一作去

書向

一作在

壁中留嚴子好真隱謝公耽遠遊清風初作頌暇

日復銷憂

一作愁

時

一作思

與文字

一作章

古跡將

一作隨

山水

幽已孤

一作辜

蒼生望空

一作坐

見黃河流流落年

一作榮落春

將晚悲涼物已

一作似

秋天高不可問掩泣赴行舟

對雨送鄭陵

別愁復經雨別淚還如霰寄心海上雲千里常相見

嵩山尋馮鍊師不遇

青溪訪道凌煙曙王子仙成已飛去更值空山雷雨時  
雲林薄暮歸何處

御定全唐詩卷一百五十五

欽定四庫全書薈要卷一萬七千五百六十一

集部

御定全唐詩卷一百五十六

王翰

王翰字子羽晉陽人登進士第舉直言極諫調昌樂尉復舉超拔羣類召為秘書正字擢通事舍人駕部員外出為汝州長史改仙州別駕日與才士豪俠飲樂遊畋坐貶道州司馬卒集十卷今存詩一卷

贈唐祖二子

鴻飛遵枉渚鹿鳴思故羣物情尚勞愛况乃予別君別  
時花始發別後蘭再薰瑤觴滋白露寶瑟凝涼氛徘徊  
北林月悵望南山雲雲月渺千里音徽不可聞

飛燕篇

孝成皇帝本嬌奢行幸平陽公主家可憐女兒三五許  
芊茸惜是一園花歌舞向來人不貴

一作歌舞來  
時由不歸

一旦

逢君感君意君心見賞不見忘姊妹雙飛入紫房紫房  
綵女不得見專榮固寵昭陽殿紅妝寶鏡珊瑚臺青瑣

銀簧雲母扇日夕風傳歌舞聲祇擾長信憂人情長信  
憂人氣欲絕君王歌吹終不歇朝弄瓊簫下綵雲夜踏  
金梯上明月明月薄蝕陽精昏嬌妬傾城惑至尊已見  
白虹橫紫極復聞飛燕啄皇孫皇孫不死燕啄折女弟  
一朝如火絕明明天子咸戒之赫赫宗周褒姒滅古來  
賢聖歎狐裘一國荒淫萬國羞安得上方斷馬劔斬取  
朱門公子頭

飲馬長城窟行

一作古  
長城吟

長安少年無遠圖 一生惟羨執金吾 麒麟前殿拜天子

走馬西擊長城胡

一作走馬為君西擊胡

胡沙獵獵吹人面 漢虜

相逢不相見 遙聞鼙鼓動地來 傳道單于夜猶戰 此時

顧恩寧顧身為君 一行摧萬人 壯士揮戈迴白日 單于

濺血染朱輪 歸來飲馬長城窟 長城道傍多白骨 問之

耆老何代人 云是秦王築城卒 黃昏塞北無人煙 鬼哭

啾啾聲沸天 無罪見誅功不賞 孤魂流落此城邊 當昔

秦王按劍起 諸侯膝行不敢視 富國強兵二十年 築怨

興徭一作聲寃九千里秦王築城何太愚天實亡秦非北胡

一朝禍起蕭牆內渭水咸陽不復都

賦得明星玉女壇送廉察尉華陰

洪河之南曰秦鎮發地削成五千仞三峰離地皆倚天  
唯獨中峰特修峻上有明星玉女祠祠壇高眇路逶迤  
三十六梯入河漢樵人往往見蛾眉蛾眉嬋娟又宜笑  
一見樵人下靈廟仙車欲駕五雲飛香扇斜開九華照  
含情遲佇惜韶年願侍君邊復中旋江妃玉佩留為念



羸女銀簫空自憐仙俗途殊兩情遽感君無盡辭君去  
遙見明星是妾家風飄雪散不知處故人家在西長安  
賣藥往來投此山綵雲蕩漾不可見綠蘿蒙茸鳥綿蠻  
欲求玉女長生法日夜燒香應自還

春女行

一作  
歌

紫臺穹跨連綠波紅軒鈴匝垂織羅中有一人金作面  
隔幌玲瓏遙可見忽聞黃鳥鳴且悲鏡邊含笑著春衣  
羅袖嬋娟似無力行拾落花比容色落花一度無再春

人生作樂須及辰君不見楚王臺上紅顏子今日皆成  
狐兔塵

古蛾眉怨

君不見宜春苑中九華殿飛閣連連直如髮白日全含  
朱鳥窓流雲半入蒼龍闕宮中綵女夜無事學鳳吹簫  
弄清越珠簾北卷待涼風繡戶南開向明月忽聞天子  
憶蛾眉寶鳳銜花撲兩螭傳聲走馬開金屋夾路鳴環  
上玉墀長樂彤庭宴華寢三千美人曳花一作光錦燈前

含笑更羅衣帳裏承恩薦瑶枕不意君心半路迴求仙

別作望仙臺琳琅

一作倉

禁闥遙相憶紫翠巖房晝不開

欲向人間種桃實先從海底覓蓬萊蓬萊可求不可上

孤舟縹緲知何往黃金作盤銅作莖青

一作晴

天白露掌

中擎王母嫣然感君意雲車羽旆欲相迎飛廉觀前空

怨慕少君何事

一作辜

須相誤一朝埋沒茂陵田賤妾蛾

眉不重顧宮車晚出向南山仙衛逶迤去不還朝晡泣

對麒麟樹樹下蒼苔日漸斑人生百年夜將半對酒長

歌莫長歎情

一作拚

知白日不可私

一作期

一死一生何足

算

子夜春歌

春氣滿林香春遊不可忘  
落花吹欲盡垂柳折還長  
桑女淮南曲金鞍塞北裝  
行行小垂手日暮渭川陽

奉和聖製同二相已下羣官樂遊園宴

未極人心暢如何帝道明  
仍嫌酺宴促復寵樂遊行陸  
海披珍藏天河直

一作望

斗城四闕青靄合數處白雲生

飪一作鼎

餽調元氣歌鐘溢雅聲空慚堯舜日

一作力

至德

香

一作卷

難名

奉和聖製送張說上集賢學士賜宴得筵字

東堂起集賢貴得從

一作後

神仙首命台階老將崇御府

員送人鏘玉佩中使拂瓊筵和樂薰風解湛恩時雨連

長材成石落短翮強翮

一作躡

徒仰蓬萊地

一作峻

何階

不讓緣

奉和聖製送張尚書巡邊

紫綬

一作盤

尚書印朱駟丞相車登朝身許國出閫將辭

家不憚炎蒸苦親嘗走集

一作馬

賒選徒軍有政

一作令

誓

卒爾無譁帝樂風初起王城日半斜寵行流聖作寅餞  
照台華騎歷河南樹旌搖塞北沙榮懷應盡服嚴殺已  
先加業峻靈祇保功成道路嗟寧如鑿空使遠致石榴  
花

涼州詞二首

蒲萄美酒夜光杯欲飲琵琶馬上催醉臥沙場君莫笑

古來征戰幾人回

秦中花鳥已應闌塞外風沙猶自寒夜聽胡笳折楊柳

教人意氣

一作氣盡

憶長安

春日歸思

楊柳青青杏發花年光誤客轉思家不知湖上菱歌女  
幾箇春舟在若耶

觀蠻童為伎之作

長裙錦帶還留客廣額青娥亦效嚙共惜不成金谷妓

虛令看殺玉車人



御定全唐詩卷一百五十六

欽定四庫全書薈要卷一萬七千五百六十二

集部

御定全唐詩卷一百五十七

孟雲卿

孟雲卿河南人。曰武昌人。第進士。為校書郎。與杜甫元結友善。詩一卷。

古別離

朝日上高臺。離人怨秋草。但見萬里天。不見萬里道。君行本迢遠。苦樂良難保。宿昔夢同衾。憂心常傾倒。含酸

欲誰訴展轉傷懷抱結

一作白

髮年已遲

一作深

征行去何

早寒暄有時謝憔悴難再好人皆筭年壽死者何曾老

少壯無見

一作會無

期水深風浩浩

今別離

一作別離曲

結髮生別離相思復相保如何

一作何知

日已久五變庭中

草渺渺大海途悠悠吳江島但恐不出門出門無遠道

遠道行既難家貧衣復單嚴風吹積雪晨起鼻何酸入

生各有志豈不懷所安分明天上日生死願

一作誓

同歡

悲哉行

孤兒去慈親遠客喪主人莫吟苦辛曲此曲誰忍聞可

聞不可說去去無期別

一作形迹

行人念前程不待參辰沒

一作晨設

朝亦常苦饑暮亦常苦饑飄飄萬餘里貧賤多是

非少年莫遠遊遠遊多不歸

行行且遊獵篇

少年多武力勇氣冠幽州何以縱心賞馬啼春草頭遲  
遲平原上狐兔奔林丘猛虎忽前逝俊鷹連下鞬俯身

逐南北輕捷固難儔所發無不中失之如我讐言豈唯務  
馳騁猗爾暴田疇殘殺非不痛古來良有由

### 古挽歌

草草閭巷喧塗車儼成位冥冥何所須

一作盡

一作戴

我

生人意北邙路非遠此別終天地臨穴頻撫棺至哀反

無淚爾形未衰老

一作色猶童稚

爾息纔

一作猶

童稚骨肉安

一作

不可離皇天若

一作苦

容易房帷即靈帳庭宇為哀次薤

露歌若斯人生盡如寄

放歌行

吾觀天地圖世界亦可

一作何

小落落大海中飄浮數洲

島賢愚與蟻蝨一種同草草地脉日夜流天衣有時掃  
東山謁居士了我生死道目見難噬臍心通可親腦軒  
皇竟磨滅周孔亦衰老永謝當時人吾將寶非寶

傷懷贈

一作酬

故人

一作友

稍稍

一作悄悄

晨鳥

一作雞

翔淅淅草上霜人生早懼

一作艱

苦

壽命恐不長二十學已成三十名不彰豈無同門友貴

賤易中腸驅馬行萬里悠悠過帝鄉幸因弦歌未得上

君子堂衆樂互喧奏獨子

一作余

備笙簧

一作笙

坐中無知

音安得神揚揚

一作洋洋

願因高風起上感白日光

鄴城

一作中

懷古

朝

一作欲

發淇水南將尋北燕路魏家舊城闕寥落無人

住伊昔天地屯曹公

一作瞞

獨中

一作守

據羣臣將北面白

日忽西暮三臺竟寂莫萬事良難固雄圖

一作豪

安在哉

衰草霑霜露崔嵬長河北尚見應劉墓古樹藏龍蛇荒

茅伏狐兔永懷故池館數子連章句逸興驅山河雄詞  
變雲霧我行覩遺跡精爽如可遇斗酒將酹君悲風白  
楊樹

傷情

為長心易憂早孤意常傷出門先躊躇入戶亦彷徨此  
生一何苦前事安可忘兄弟先我沒孤幼盈我傍舊居  
近東南河水新為梁松栢今在茲安忍思故鄉四時與  
日月萬物各有常秋風已一一一作起草木無不霜行行



當自勉

一作勉旃

不忍再思量

傷時二首

一作宋郊

徘徊宋郊上不覩平生親  
獨立正傷心悲風來孟津  
大方載羣物生死有常倫  
虎豹不相食哀哉人食人  
豈伊

一作知

逢世運天道亮云云

太空流素月三五何明

一作皎

明光耀侵白日賢遇迷至

精四時更變化天道有虧盈  
常恐今夜

一作已

沒須臾還

復生

田園觀雨兼晴後作

貧賤少情欲借

一作惜

荒種南陂我非老農圃安得良土

宜秋成不廉儉歲餘多餒飢顧視倉廩間有糧不成炊  
晨登南園上暮歇清蟬悲早苗既芘芘晚田尚離離五  
行孰堪廢萬物當及時賢哉數夫子開翅慎勿遲

汴河阻風

清晨自梁宋挂席之楚荆

一作城

出浦風漸惡傍灘舟欲

橫大河噴

一作復

東注羣動

一作洞

皆窅

一作昏

冥白霧魚龍

氣黑

一作黃

雲牛馬

一作虎

形蒼茫迷所適危安懼

一作色懼安

暫寧信此天地內孰為身命輕丈夫苟未達所向須存

誠

一作有成

前路捨舟去東南仍

一作應

曉

一作晚

晴

行路難

君不見高山萬仞連蒼旻天長地久成埃塵君不見長  
松百尺多勁節狂風暴雨終摧折古今何世無聖賢吾  
愛伯陽真乃天金堂玉闕朝羣仙拍手東海成桑田海  
中之水慎勿枯鳥鳶啄蚌傷明珠行路難艱險莫踟躕

途中寄友人

昔時聞遠路謂是等閒行及到求人地始知為客情事  
將公道背塵遠馬蹄生僮使長如此便堪休去程

寒食

二月江南花滿枝他鄉寒食遠堪悲貧居往往無煙火  
不獨明朝為子推

新安江上寄處士

深潭與淺灘萬轉出新安人遠禽魚靜山空水木寒嘯

起青蘋末吟矚白雲端即事遂幽賞何必挂儒冠

句

羣物歸大化六龍頽西荒

感懷

安知浮雲外日月不運行


苦雨見張  
為主客圖

御定全唐詩卷一百五十七

謹案卷一百五十二第二頁前五行題杼山癸亭

按魯公集作三癸亭





總校官庶吉士臣張能照

校對官檢討臣蕭九成

騰錄舉人臣李駟



欽定四庫全書會要

集部

欽定全唐詩卷一百

五十八至  
六十

詳校官候補通政司經歷臣郭祚熾

欽定四庫全書薈要卷一萬七千五百六十三

集部

御定全唐詩卷一百五十八

張巡

張巡蒲州河東人開元末舉進士第三以書判拔萃入  
天寶中為真源令祿山之亂巡起兵討賊後至睢陽

與太守許遠嬰城固守經年乏食城陷死之巡博通羣  
書為文操紙筆立就有謝金吾表云想蛾眉之碧峰豫  
遊西蜀追綠耳於懸圃保壽南山臣被圍四十七日凡

一千八百餘戰當臣効命之時是賊滅亡之日文辭悲壯讀者哀之詩二首

聞笛

宕堯試一臨虜騎附

一作俯

城陰不辨風塵色安知天地

心營

一作門

開邊月近戰苦陣雲深旦夕更樓上遙聞橫

笛音

一作吟

守睢陽作

接戰春來苦孤城日漸危合圍侷月暈分守若

一作効

魚

麗屢厭黃塵起時將白羽揮裏瘡猶出陣飲血更登陴  
忠信應難敵堅貞諒不移無人報天子心計欲何施

張抃

張抃滑人與張巡固守睢陽城陷死難者三十六人抃  
其一也宋汪應辰作廟記云初顯於湖湘間後及江右  
至玉山皆祀之碑載詩一首

題衡陽泗州寺

一水悠悠百粵通片帆無奈信秋風幾層峽浪寒春月

盡日江天雨打篷  
漂泊漸搖青草外  
鄉關誰念雪園東  
未知今夜依何處  
一點漁燈出葦叢

賀蘭進明

賀蘭進明開元十六年登進士第祿山亂以御史大夫為節度使守臨淮張巡被圍睢陽遣南霽雲乞師進明嫉巡聲威不應巡遂陷沒肅宗時為北海太守詣行在上以為南海太守攝御史大夫嶺南節度使後貶秦州司馬詩七首

古意二首

秦庭初指鹿羣盜滿山東忤意皆誅死所言誰肯忠武  
關猶未啓兵入望夷宮為崇非涇水人君道自窮

宗蘭生澗底香氣滿幽林采采欲為贈何人是同心日  
暮徒盈把裴回憂思深慨然紉雜佩重奏丘中琴

行路難五首

君不見巖下井百尺不及泉君不見山上苗一作蒿數寸

凌雲煙人生賦命亦如此何苦太息自憂煎但願親友

長含笑相逢不<sub>一作</sub>乏

一作莫吝

杖頭錢寒夜邀歡須秉燭豈得

一作不常思花柳年

君不見門前柳榮耀暫

一作幾

時蕭索久君不見陌上花

狂風吹去落誰家鄰

一作誰

家思婦見之歎蓬首不梳心

歷亂盛年夫壻長別離歲暮相逢色已

一作凋

換

君不見芳樹枝春花落盡蜂不窺君不見梁上泥秋風  
始高燕不棲蕩子從軍事征戰娥眉嬋娟守空閨獨宿  
自然堪下淚况復時聞烏夜啼

君不見雲中月暫盈還復缺君不見林下風聲遠意難  
窮親故平生或聚散歡娛未盡尊酒空歎息青青陵上  
柏歲寒能有幾人同

君不見東流水一去無窮已君不見西郊雲日夕空氛  
氳羣鴈衰回不能去一鴈悲一作鳴復失羣人生結交

在終始莫以一作升沈中路分

### 閻丘曉

閻丘曉為濠州刺史祿山之亂張鎬檄之救宋州張巡



圍以後期杖死詩一首

夜渡江

舟人自相報落日下芳潭夜火連淮市春風滿客帆水

窮滄海畔路盡小山南且喜鄉園近言榮意未甘

一作能令

意味

甘

庾光先

庾光先新野人官至吏部侍郎嘗陷安祿山不受偽署

詩一首

奉和劉採訪緡雲南嶺作

百越城池枕海圻永嘉山水復相依懸蘿弱篠垂清淺  
宿雨朝曦和翠微鳥訝山經傳不盡花隨月令數仍稀  
幸陪謝客題詩句誰與王孫此地歸

韋丹

韋丹字文明京兆萬年人早孤從外祖顏真卿學擢明  
經調安遠令以讓庶兄入紫閣山復舉五經高第順宗  
為太子時以殿中侍御史為舍人尋拜司封郎中使新

羅故事鬻州縣官十人以便其私號私覲官丹曰使外國不足於貲宜上請安有賣官受錢奏聞帝命有司與之還為容州刺史遷河南少尹召拜諫議大夫奏劉闢當誅憲宗褒美使代李康為劔南東川節度使丹至漢中上言康守方盡力不可易乃徵還終江南西道觀察使宣宗讀元和實錄見丹政事卓然詔上丹功狀刻於碑謂宰相周墀曰丹有子否與好官乃拜其子宙為侍御史三遷度支郎中丹有詩二首

思歸寄東林澈上人

并序

澈公近以匡廬七詠見寄及吟咏之皆麗絕于文  
圃也此七詠者俾予益發歸歟之興且芳時勝侶  
卜遊于三二道人必當攀躋千仞之峰觀九江之  
派是時也飄然而去不希京口之顧默然而遊不  
假東門之送天地為一朝萬物任陶鑄夫二林翼  
翼松逕幽邃則何必措足于丹霄馳心于太古矣  
偶為思歸絕句詩一首以寄上人法友幸先達其

深趣矣

王事紛紛無暇日  
浮生冉冉只如雲  
已為平子歸休計  
五老巖前必共聞

荅澈公

空山泉落松窗靜  
閒地草生春日遲  
白髮漸多身未退  
依依常在永禪師

蕭昕

蕭昕字中明梁鄱陽王七世孫居河南中博學宏詞科

調壽安尉累遷左補闕從明皇幸蜀奉冊於靈武代宗  
立進中書舍人禮部侍郎德宗朝以太子太師致仕詩  
二首

洛出書

海內昔凋瘵天網斯淳濡龜靈啓聖圖龍馬負書出大  
哉明德盛遠矣彛倫秩地敷作乂功人免為魚恤既彰  
千國理豈止百川溢永賴至於今疇庸未云畢

臨風舒錦

麗錦疋云終檐檐

一作當檐

展向風花開翻覆翠色亂動搖

紅縷散悠揚

一作颺

裏文迴照灼中低垂疑步障吹起作

晴虹既與丘遲夢深知卓氏功還鄉將製服從此表亨

通

李希仲

李希仲趙郡人天寶初宰偃師范陽兵起挈家避亂入

江淮詩三首

東皇太一詞

吉日初齊戒靈巫穆上皇焚香布瑤席鳴珮奠椒漿緩  
舞花飛滿清歌水去長迴波送神曲雲雨滿瀟湘

薊北行二首

旄頭有精芒胡騎獵秋草羽檄南渡河邊庭用兵早漢  
家愛征戰宿將今已老辛苦羽林兒從戎榆關道

一身救邊速烽火通

一作連

薊門前軍飛鳥斷格鬪塵沙

昏寒日鼓聲急單于夜將

一作火

奔當須徇忠義身死報

國恩



# 楊志堅

楊志堅臨川人與顏真卿同時詩一首

送妻

志堅嗜學而貧其妻告離志堅以詩送之時顏真卿為內史妻持詩詣州請公牒求

別醮真卿判云王歡之廩既虛豈遵黃卷朱史之妻必去寧見錦衣污辱鄉閭敗傷風化若無褒貶僥倖者多遂筭之後遂無棄夫者

平生志業在琴詩頭上如今有二絲漁父尚知谿谷暗  
山妻不信出身遲荆釵任意撩新鬢明鏡從他別畫眉  
今日便同行路客相逢即是下山時



御定全唐詩卷一百五十八

欽定四庫全書薈要卷一萬七千五百六十四

集部

御定全唐詩卷一百五十九

孟浩然

孟浩然字浩然襄陽人少隱鹿門山年四十乃遊京師  
常於太學賦詩一坐嗟伏與張九齡王維為忘形交維  
私邀入內署適明皇至浩然匿牀下維以實對帝喜曰  
朕聞其人而未見也詔浩然出誦所為詩至不才明主  
棄帝曰卿不求仕朕未常棄卿奈何誣我因放還採訪

使韓朝宗約浩然偕至京師欲薦諸朝會與故人劇飲  
懽甚不赴朝宗怒辭行浩然亦不悔也張九齡鎮荊州  
署為從事開元末疽發背卒浩然為詩佇興而作造意  
極苦篇什既成洗削凡近超然獨妙雖氣象清遠而采  
秀內映藻思所不及當明皇時章句之風大得建安體  
論者推李杜為尤介其間能不愧者浩然也集三卷今  
編詩二卷

從張丞相遊南紀城獵戲贈裴迪張叅軍

從禽非吾樂不好雲夢田歲暮登城望偏令鄉思懸公

卿有幾幾

一作數子

車

一作聯

騎何翩翩世祿金張貴官曹幕

府賢

一作連

順時行殺氣飛刃爭割鮮十里屈賓館徵聲

匪妓筵高標回落日平楚散

一作壓

芳煙何意狂歌客從

公亦在旃

登江中孤嶼贈白雲先生王迥

悠悠清江水水落沙嶼出回潭石下深綠篠岸傍密鮫  
人潛不見漁父歌自逸憶與君別時泛舟如昨日夕陽

開返照中坐興非一南望鹿門山歸來恨如一作相失

晚春臥病寄張八

南陌春將晚北窓猶臥病林園久不遊草木一何盛狹

逕花障迷

一作將盡

閒庭竹掃淨翠羽戲蘭苕頰鱗動荷柄

念我平生好江鄉遠從政雲山阻夢思衾枕勞歌

一作感

詠歌

一作感

詠復何為同心恨別離世途皆自媚流俗寡

相知賈誼才空逸安仁鬢欲絲

一作垂

遙情每東注奔晷

復西馳常恐填溝壑無由振羽儀窮通若有命欲向論

中推

秋登蘭山寄張五

一作九月九日峴山寄張子容一作秋登萬山寄張文儋

北一作此

山白雲裏隱者自怡悅相望試

一作始

登高心飛

逐鳥滅

一作心隨雁飛滅

愁因薄暮起興是清秋發時見歸村

人一作村人歸

沙行

一作平一作平沙

渡頭歇天邊樹若薺江畔舟

如月何當載酒來共醉重陽節

入峽寄弟

吾昔與爾

一作汝

輩讀書常閉門未嘗冒湍險豈顧垂堂



言自此歷江湖辛勤難具論往來行旅弊開鑿禹功存

壁一作真立千峰一作巖峻激流萬壑奔我來凡幾宿無夕

不聞猿浦上搖一作思歸戀舟中失夢魂淚沾明月峽心

斷鵲鴿原離濶星難聚秋深露已繁因君下南楚書此

示一作寄鄉園

湖中一作襄陽旅泊寄閩九司戶防

桂水通百越扁舟期曉發荆雲蔽三巴夕望不見家裏

王夢行兩才子謫長沙長沙饒瘴癘胡為苦留滯久別

思歎顏承懽懷接袂接袂杳無由徒增旅泊愁清猿不可聽沿月下湘流

大堤行寄萬七

大堤行樂處車馬相馳突歲歲春草生踏青二三月王孫挾珠彈遊女矜羅襪攜手今莫同江花為誰發

仲夏歸漢南園寄京邑耆舊

一作仲夏歸南園寄京邑舊遊

嘗讀高士傳最嘉陶徵君日耽

一作親

田園趣自謂羲皇

人予復何為者棲棲徒問津中年廢丘壑上國

一作十上旅

風塵忠欲事明主孝思侍老親歸來當炎夏

一作冒  
炎暑

耕

稼不及春扇枕北窗下采芝南澗濱因聲謝同列吾慕

潁陽真

題雲門山

一作寺一作  
遊龍門寺

寄越府包戶曹徐起居

我行適諸越夢寐懷所歡久負獨往願今來恣遊盤台

嶺踐磴石耶溪沂林湍捨舟入香界登閣憇旃檀晴山

秦望近春水鏡湖寬遠懷

一作  
行

佇應接卑位徒勞安白

雲日夕滯滄海去

一作  
竭

來觀故國眇天末良朋在朝端

遲爾同攜手何時方挂冠

宿揚子津寄潤州長山劉隱士

所思在建業

一作夢寐

欲往大江深日夕望京口煙波愁我

心心馳茅山洞目極楓樹林不見少微星

一作隱

星

一作風

霜勞

一作徒

夜吟

書懷貽京邑同好

維先自鄒魯家世重儒風詩禮襲遺訓趨庭霑

一作紹

未

躬晝夜常自強詞翰

一作賦

頗亦工

一作攻

三十旣成立嗟

吁命不通慈親向羸老喜懼在深衷甘脆朝不足簞瓢  
夕屢空執鞭慕夫子捧檄懷毛公感激遂彈冠安能守  
固窮當途訴知己投刺匪求蒙秦楚邈離異翻飛何日  
同

還山貽湛法師

幻一作聞無生理常欲觀此身心跡罕兼遂嶇崎多在

塵晚途歸舊壑偶與支公鄰導以微妙法結為清淨因

近本無以上一句下有喜得林下契共推  
席上珍念茲汎苦海方便示迷津四句

煩惱業頓捨

山林情轉殷，朝來問疑義。夕話得清真，墨妙稱古絕。詞  
華驚世人，禪房閉虛靜。花藥連冬春，平石藉琴硯。落泉  
灑衣巾，欲知冥滅意。一作意冥滅一作意朝夕海鷗馴。

夏日夕一作夕南亭懷辛大

山光忽西落，一作發池月漸東上。散髮乘夕涼，開軒臥閒

敞。荷風送香氣，竹露滴清響。欲取鳴琴彈，恨無知音賞。  
感此懷故人，中宵勞夢想。

秋宵月下有懷

秋空明月懸光彩露霑濕驚鵲棲未

一作不

定飛螢捲簾

入庭槐寒影疎鄰杵夜聲急佳期曠何許望望空佇立

將適天台留別臨安李主簿

枳棘君尚棲匏瓜吾豈繫念離當夏首

一作誰念離亭下

漂一作

淡泊指炎裔江海非墮

一作情

遊田園失歸計定山旣早

發漁浦亦宵濟泛泛隨波瀾行行任臚柁故林日已遠  
羣木坐成翳羽人在丹丘吾亦從此逝

送丁人鳳進士赴舉呈張九齡

吾觀鷦鷯賦君負王佐才惜無金張援十上空歸來棄  
置鄉園老翻飛羽翼摧故人今在位岐路莫遲回

送吳悅遊韶陽

五色憐鳳雛南飛適鷓鴣楚人不相識何處求椅梧去  
去日千里茫茫天一隅安能與片鷄決起但槍榆

適越留別譙縣張主簿申屠少府

朝乘汴河流

一作去

夕次譙縣界幸值

一作因

西風吹得與

故人會君學梅福隱余從

一作隨

伯鸞邁別後能相思浮



雲在一作去吳會

送陳七赴西軍

吾觀非常者碌碌在目前君負鴻鵠志蹉跎書劍年一

聞邊烽動萬里忽爭先余亦赴京國一作關何當獻凱還

送從弟邕下第後尋會稽

疾風吹征帆倏爾向空没千里在一作去俄頃三江坐超

忽向來共歡娛日夕成楚越落羽更分飛誰能不驚骨

送辛大之鄂渚不及

送君不相見日暮獨愁緒

一作余楚詞曰眇眇兮愁予  
余予唐韻竝有上聲或改作

緒

江上空

一作久

衰回天邊迷處所郡邑經樊鄧山河

一作

雲入嵩汝蒲輪去漸遙石徑徒延佇

### 江上別流人

以我越鄉客

一作里

逢君謫居者分飛黃鶴樓流落

一作宕

蒼梧野驛使乘雲去征帆沿溜下不知從此分還袂何時把

宴包二融宅

一作宴  
鮑二宅

閒居枕清洛左右接大野門庭無雜賓車轍多長者是

時

一作歲

方盛夏風物自瀟灑五日休沐歸相攜竹林下

開襟成歡趣對酒不能罷煙暝棲鳥迷

一作還

余將

一作亦

歸白社

與王昌齡宴王道士房

一作與王昌齡宴黃十一

歸來臥青山常夢遊清都漆園有傲吏惠好

一作我在

招呼書幌神仙錄畫屏山海圖酌霞復對此宛似入蓬

壺

襄陽公宅飲

窈窕夕陽

一作陰

佳

一作在

茸茸春色好欲覓淹留處無過

狹斜道綺席卷龍鬚香杯浮碼碯北林積修樹南池生

別島手撥金翠花心迷玉紅

一作芝

草談笑光六義發論

明三倒座非陳子驚門還魏公掃榮辱

一作華

應無間歡

娛當共保

尋香山湛上人

朝遊訪名山山遠在

一作若

空翠氛氲亘百里日入行始

至杖策尋故人解鞭暫停騎石門殊豁險篁筵轉森

一作

深邃法侶欣相逢清談曉不寐平生慕真隱累日探

一作

求

竒

一作靈

異野老朝入田

一作雲

山僧暮歸寺松泉多逸

一作清

響苔壁饒古意谷口聞鐘聲林端識香氣

近本以上二句

在第五第六

願言投此山身世兩相棄

雲門寺西六七里聞符公蘭若最幽與薛八同

往

謂予獨迷

一作遊

方逢子亦在野結交指松柏問法尋蘭

若小溪劣容舟怪石屢驚馬所居最幽絕所住一作皆

靜者雲簇興坐隅天空落階下

以上二句一作密篠夾路傍清泉流舍下

上

人亦何聞

一作開

塵念都已捨四禪合真如一切是虛假

願承甘露潤喜得惠風灑依止託

一作此

山門誰能

一作願又

作知誰效丘也

### 宿天台桐柏觀

海行信風帆夕宿逗雲島緬尋滄洲趣近愛赤城好捫

蘿亦踐苔輟擢恣探

一作窮

討息陰憇桐柏采秀弄芝草

鶴唳清露垂雞鳴信潮早願言解纓紱一作從此去一作

無煩惱高步凌四明一作玄蹤得三老紛吾遠遊意學

一作樂 彼長生道日夕望三山雲濤空浩浩

峴潭一作作

石潭傍隈隩沙岸一作曉黃緣試垂竹竿釣果得槎一作

查頭編美久騁金錯織手膾紅鮮因謝陸內史萼羹何

足傳

題終南翠微寺空上人房一作宿終南翠微寺

翠微終南裏雨後宜返照閉關久沈冥杖策一登眺遂

造幽人室始知靜者妙儒道雖異門雲林頗同調兩心

相喜

一作喜相

得畢竟共談笑暝還高窻眠

一作昏

時見遠山

燒緬懷赤城標更憶臨海嶠風泉有清音

一作聽

何必蘇

門嘯

### 初春漢中漾舟

羊公峴山下

一作漾舟  
逗何處

神女漢皋曲雪罷冰復開春潭

千丈綠輕舟恣來往探翫無厭足波影搖妓釵沙光逐



人目傾杯魚鳥醉  
聯句鶯花續良會  
難再逢日入須乘

燭

輕舟二句良會  
二句宋刻竝無

宿業師

一作  
禾公

山房期

一作  
待

丁大不至

夕陽度西嶺  
羣壑倏已暝  
松月生夜涼  
風泉滿清聽  
樵

人歸欲盡煙

一作  
磴

鳥棲初定之  
子期宿

一作  
未

來孤琴

一作

宿  
候蘿逕

耶溪泛舟

落景餘清輝  
輕橈

一作  
櫂

弄溪渚  
澄明

一作  
泓澄

愛水物臨泛

何容與白首垂釣翁  
新妝浣紗女相看一作看看  
似一作未相識脉脉不得語

彭蠡湖中望廬山

太虛生月暈舟子

一作中

知天風挂席候

一作知

明發眇漫

平湖中中流見匡阜勢壓九江雄  
黥黥容齋

一作凝黛

色崢

嶸當曉

一作曙

空香爐

一作爐峰

初上日瀑布

一作水

噴成虹久

欲追尚子况茲懷遠公  
我來限

一作恨

于役未暇息微躬

淮海途將半星霜歲欲窮  
寄言巖棲者畢趣當來同

登

一作題

鹿門山

題下一有懷古二字

清曉因興來乘流越江峴沙禽近方

一作初又作相

識浦樹遙

一作遠

莫辨漸至

一作到

鹿門山山明翠微淺巖潭多屈曲

舟檝屢回轉昔聞龐德公采藥遂不返金澗餌一作養芝

朮石牀臥苔蘚紛吾感耆舊結攬事攀踐隱迹今尚存

高風邈已遠白雲何時去丹桂空偃蹇探討意未窮回

艇

一作艦

夕陽晚

遊明禪師西山蘭若

西山多奇狀秀出倚前楹  
停午收彩翠夕陽照分明  
吾

師住其下禪坐證

一作說

無生結廬就嵌窟  
剪苔

一作竹

通

往

一作徑

行談空對樵叟授法與山精  
日暮方辭去田園

歸冶城

### 登望楚山最高頂

山水觀形勝襄陽美會稽最高唯望楚  
曾未一攀躋石壁疑削成衆山比全低  
晴明試登陟目極無端倪雲夢掌中小  
武陵花處迷暝還歸騎下蘿月映

一作在

深谿

疾愈過龍泉寺精舍呈易業二公

停午聞山鐘起行散

一作送

愁疾尋林采芝去轉谷松翠

一作蘿

密傍見精舍開長廊飯僧畢石渠

一作梁

流雪水金

子一作烏

耀霜橘竹房思舊遊過憇終永日入洞窺石髓

傍崖采蜂蜜日暮辭遠公虎溪相送出

萬山潭作

垂釣坐盤石水清心亦

一作益

閒魚行

一作遊

潭樹下猿挂

島藤間游女昔解佩傳聞於此山求之不可得沿月權

歌還

與黃侍御北津泛舟

津無蛟龍患日夕常安流本欲避驄馬何如

一作知

同鷁

舟豈伊今日幸曾是昔年遊莫奏琴中鶴且隨波上鷗  
隄緣九里郭山面百城樓自顧躬耕者才非管樂儔聞  
君薦草澤從此泛滄洲

洗然弟竹亭

吾與二三子平生結交深俱懷鴻鵠志昔

一作共

有鵲鷁

心逸氣假毫翰清風在竹林達

一作速

是酒中趣琴上偶

然音

山中逢道士雲公

春餘草木繁耕種滿田園酌酒聊自勸農夫安與言忽  
聞荆山子時出桃花源采樵過北谷賣藥來西村村煙  
日云夕榛路有歸客杖策前相逢依然是疇昔邂逅歡  
覲止殷勤叙離隔謂予搏扶桑輕舉振六翮奈何偶昌  
運獨見遺草澤既笑接輿狂仍憐孔丘厄物情趨勢利

吾道貴閒寂，偃息西山下。門庭罕人迹，何時還清溪。從爾鍊丹液。

越中逢天台太乙子

仙穴逢羽人，停轡向前拜。問余涉風水，何處遠行邁。登陸尋天台，順流下吳會。茲山夙所尚，安得問一作聞靈怪。

上逼青天高，俯臨滄海大。雞鳴見日出，常覲仙人旆。一作

每與仙人會

往來

一作去去  
又作來去

赤城中，逍遙白雲外。莓苔異人

間瀑布當

一作作

空界，福庭長自然。

一作不元

華頂

一作勝境

舊稱



最永此

一作懷  
又作願

從之

此一作

遊何當濟所屆

家園臥疾畢太祝曜

此一無

見尋

伏枕舊遊曠笙簧

一作歌

勞夢思平生重交結迨此令人

疑冰室無煖氣炎

一作火

雲空赫曦隙駒不暫駐日聽涼

蟬悲壯圖哀未立斑白恨吾衰夫子自南楚緬懷嵩汝

期顧予衡茅下兼致稟物資脫分趨庭禮殷勤伐木詩

脫君車前鞅設我園中葵斗酒須寒興明朝難重持

一本

無以上

八句

白雲先生

一無此四字

王迴見訪

閒歸

一作歸閒

日無事雲臥晝不起有客款柴扉自云巢居

子居閒好芝朮

一作花朮

采藥來城市家在鹿門山常遊澗澤

水手持白羽扇脚步青芒履聞道鶴書徵臨流還洗耳

田園

一作家作

弊廬隔塵喧惟先養

一作尚

恬素卜鄰近

一作勞

三徑植果

盈千樹粵余任推遷三十猶未遇書劔時將晚丘園日

已一作空

暮晨興自多懷晝坐常寡悟沖天羨鴻鷗爭食

羞一作嗟雞鷺望斷金馬門勞歌采樵路鄉曲無知己朝

端乏親故誰能為揚雄一薦甘泉賦

采樵作

采樵入深山山深樹重疊橋崩臥槎擁路險垂藤接日

落伴將稀山風拂蘿一作薜衣長歌負輕策平野望煙歸

自潯陽泛舟經明湖一作海

大江分九流一作派淼淼一作漫漫成水鄉舟子乘利涉

往來至一作經過潯陽因之泛五湖流浪經三湘觀濤壯

枚發吊屈痛沈湘魏關心恒一作常在金門詔不忘遙憐

上林雁冰泮也一作已回翔

### 早發漁浦潭

東一作晨旭一作光早一作光芒一作蒼茫渚禽已一作似驚聒臥聞漁浦

口橈聲暗相撥日出氣象分始知江湖一作路潤美人常

晏起一作然照影弄流沫飲水畏驚猿祭魚時一作常見獺

舟行自無悶況值晴景豁

### 經七里灘

予奉垂堂誠千金非所輕為多山水樂頻作泛舟行五  
嶽追向子三湘弔屈平湖經洞庭濶江入新安清復聞  
嚴陵瀨乃在茲湍一作川又路壘障數百里沿洄非一  
趣彩翠相氛氲別流亂奔注釣磯平可坐苔磴滑難步  
猿飲石下潭鳥還日邊樹觀竒恨來晚倚權惜將暮揮  
手弄潺湲從茲洗塵慮

歲暮海上作

仲尼既云

已一作

歿余亦浮於海昏

又一作

見斗柄回方

一作

始知歲星一作新歲改虛舟任所適垂釣非有待為問乘槎

人滄洲

浪一作

復誰

一作何

在

南歸阻雪

一作南陽北阻雪

我行滯宛許日夕望京豫曠野莽茫茫鄉山在何處孤  
煙村際起歸雁天邊去積雪覆平皋一作端饑鷹捉寒兔  
少年弄文墨屬意在章句十上恥還家衰回守歸路

聽鄭五惛彈琴

阮籍推名飲清風滿

一作坐

竹林半酣下衫袖拂拭龍唇

琴一杯彈一曲不覺夕陽沈予意在山水聞之諧夙心

同張明府清鏡歎

妾有盤龍鏡清光常晝發自從生塵埃有若霧中月愁  
來試取照坐歎生白髮寄語邊塞人如何久離別

庭橘

明發覽羣物萬木何陰森凝霜漸漸水庭橘似懸金女  
伴爭攀摘窺礙葉深竝生憐共蒂相示感同心骨刺  
紅羅被香黏翠羽簪擎來玉盤裏全勝在幽林

早梅

園中有早梅年例犯寒開少婦曾

一作爭

攀折將歸插鏡

臺猶言看不足更欲剪刀裁

清明卽事

帝里重清明人心自愁思車聲上路合柳色東城翠花  
落草齊生鶯飛蝶雙戲空堂坐相憶酌茗聊代醉

和盧明府送鄭十三還京兼寄之什

昔時風景登臨地今日衣冠送別筵醉坐

一作閒臥

自傾彭



澤酒思歸長望白雲天洞庭一葉驚秋早  
落空嗟滯江島寄語朝廷當世人何時重見長安道

高陽池送朱二

當昔襄陽雄盛時山公常醉習家池池邊釣女日一作自

相隨妝成照影競

一作近

來窺澄

一作紅

波澹澹芙蓉發綠

岸蓼蓼

一作彤彤

楊柳垂一朝物變人亦非四面荒涼人徑

一作住

稀意氣豪華何處在空餘草露濕羅

一作征

衣此地

朝來餞行者翻向此中收征馬征馬分飛日漸斜見此

空為人所嗟殷勤為訪桃源路予亦歸來松子家

鸚鵡洲送王九之遊江左

一作遊

江左

昔登江上黃鶴樓遙愛江中鸚鵡洲勢逶迤遶

一作還

碧流鴛鴦鷓鴣滿灘

一作沙

頭灘頭日落沙磧長金沙熠

熠

一作熠熠

動飈光舟人牽錦纜浣女結羅裳月明全見蘆

花白風起遙聞杜若香君行采采莫相忘

送王七尉松滋得陽臺雲

君不見巫山神女作行雲霏紅

一作虹

沓翠曉氛氲嬋娟

流

一作遊

入楚

一作襄

王夢倏忽

一作覺後

還隨零雨分空中飛

一作曉

去復飛來朝朝暮暮下陽臺愁君此去

一作處

為仙

尉便逐行雲去不回

### 夜歸鹿門山歌

山寺鐘鳴晝已昏漁梁

一作陽

渡頭爭渡喧人隨沙路

一作

岸向江村余亦乘舟歸鹿門鹿門月照開煙

一作煙中

樹忽

到

一作辨

龐公棲隱處巖扉松

一作草

徑

一作樵徑非遙

長寂寥

一作

冥惟有幽人夜來去

長樂宮

秦城舊來稱窈窕漢家更衣應不少紅粉邀君在何處  
青樓苦夜長難曉長樂宮中鐘暗來可憐歌舞慣相催  
歡娛此事今寂寞惟有年年陵樹哀

示孟郊

按浩然與郊年代逸不相及詩題疑有繆誤

蔓草蔽極野蘭芝結孤根衆音何其繁伯牙獨不喧當  
時高深意舉世無能分鍾期一見知山水千秋聞爾其  
保靜節薄俗徒云云

御定全唐詩卷一百五十九